

Na osnovu člana 100. Stav (3) Zakona o javnim nabavkama BiH (Sl.glasnik BiH broj 39/14), rješavajući po žalbi ponuđača "BIHEXO" d.o.o. Sarajevo, direktor Javnog preduzeća "RAD" d.d. Tešanj, dana 17.01.2022. godine, d o n o s i

ODLUKU

o poništenju Odluke o izboru najpovoljnijeg ponuđača i izboru najpovoljnijeg ponuđača za nabavku PE (polietilenskih) cijevi za vodu putem otvorenog postupka

Član 1.

Usvaja se žalba ponuđača "BIHEXO" d.o.o. Sarajevo, Put Famosa 47, Sarajevo na Odluku o izboru najpovoljnijeg ponuđača br: 39/21 od 04.01.2022.godine za nabavku PE (polietilenskih) cijevi za vodu, objavljenom na Portalu javnih nabavki broj 807-1-1-95/21 od 03.12.2021. u 11,33 sati, i u Službenom glasniku BiH broj 75/21 od 10.12.2021 godine, u kojoj je ponuđač „VODOSKOK” d.o.o. Tomislavgrad, PP 27, Novi Kolodvor bb, 80240 Tomislavgrad nakon provedene E-aukcije izabran kao najpovoljniji ponuđač.

Član 2.

Ovom Odlukom stavlja se van snage Odluka o izboru najpovoljnijeg ponuđača br: 39/21 od 04.01.2022.godine, donesena na osnovu Zapisnika o ocjeni ponuda broj: 9450/21 od 29.12.2021. godine i preporuke Komisije za javnu nabavku.

Član 3.

Najpovoljniji ponuđač za nabavku PE (polietilenskih) cijevi za vodu u skladu sa ponovljenom analizom dostavljenih ponuda je „BIHEXO” d.o.o. Sarajevo sa ukupnom vrijednosti ponude u iznosu od 210.474,81 KM sa uračunatim PDV-om, odnosi se na cijenu ponude prije provođenja E-aukcije.

Član 4.

Ova Odluka stupa na snagu danom donošenja i dostavit će se svim ponuđačima koji su učestvovali u predmetnom postupku javne nabavke, u skladu sa članom 70. Zakona o javnim nabavkama.

O b r a z l o ž e n j e

U Otvorenom postupku za nabavku za nabavku PE (polietilenskih) cijevi za vodu, objavljenom na Portalu javnih nabavki broj 807-1-1-95/21 od 03.12.2021. u 11,33 sati, i u Službenom glasniku BiH broj 75/21 od 10.12.2021 godine, ponude su dostavili sljedeći ponuđači:

1. "VODOSKOK" d.o.o. Tomislavgrad, PP 27, Novi Kolodvor bb, 80240 Tomislavgrad; cijena ponude iznosi 208.220,69 KM sa uračunatim PDV-om; cijena ponude nakon provedene E-aukcije iznosi 169.472,16 KM sa uračunatim PDV-om.
2. „BIHEXO” d.o.o. Sarajevo, Put Famosa 47, Sarajevo; cijena ponude iznosi 210.474,81 KM sa uračunatim PDV-om; cijena ponude nakon provedene E-aukcije iznosi 169.680,42 KM sa uračunatim PDV-om.

Odlukom o izboru najpovoljnijeg ponuđača br.39/21 od 04.01.2022. godine, ponuđač „VODOSKOK” d.o.o. Tomislavgrad, PP 27, Novi Kolodvor bb, 80240 Tomislavgrad je izabran kao najpovoljniji ponuđač.

Dana, 07.01.2022. godine ponuđač „BIHEXO” d.o.o. Sarajevo, Put Famosa 47, Sarajevo dostavio putem pošte žalbu ugovornom organu JP „RAD“ d.d. Tešanj, žalba je kod ugovornog organa zaprimljena dana 12.01.2022. godine pod brojem protokola: 234/22, u kojoj je naveo da ponuda ponuđača „VODOSKOK” d.o.o. Tomislavgrad ne može biti prihvatljiva iz razloga jer ponuđač „VODOSKOK” d.o.o. nije ispunio uslov iz tačke 9. TD – Tehničke specifikacije, gdje

se navodi: „Za svaku stavku ponuđač je obavezan dostaviti jednoznačnu tehničku dokumentaciju iz koje se jasno može odrediti zahtijevani kvalitet i karakteristike nuđenih materijala (Uopšteni kataloški materijal nije primjeren navedenim zahtjevima) jer u svojoj ponudi nije dostavio jednoznačnu tehničku dokumentaciju za „leteću prirubnicu“, odnosno ponuđač „VODOSKOK“ d.o.o. je na stranci 82/83 svoje ponude dostavio uopšteni kataloški materijal iz kojeg se ne može zaključiti koja je prirubnica ponuđena niti da li zadovoljava tehničke karakteristike tražene prema TD (tačka 9. tehničke specifikacije, tuljak sa letećom prirubnicom i PEHD lukovi za čeono zavarivanje, str.4).

Dalje, žalitelj osnovano navodi da je ponuđač „VODOSKOK“ d.o.o. za PEHD lukove za čeono zavarivanje dostavio samo uopšteni kataloški materijal sa kojeg se ne može jasno zaključiti koja pozicija lukova je ponuđena, te da je na dostavljenom uopštenom tehničkom materijalu, na stranici ponude br.80/83 ponudio proizvode proizvođača SIMONA u kojem se može primjetiti da u svom proizvodnom programu nema brizgane lukove od 11° i 22° kako je traženo tehničkom specifikacijom nego je ponuđač „VODOSKOK“ d.o.o ponudio tzv. “vučene lukove“ tj.lukove formirane od cijevi, a što je u suprotnosti sa traženim tehničkim karakteristikama iz TD.

Slijedom navedenog, utvrđeno je da je žalba ponuđača „BIHEXO“ d.o.o u potpunosti osnovana, da ponuda ponuđača „VODOSKOK“ d.o.o. ne sadrži sve potrebne dokaze navedene u tački 9. TD – Tehničke specifikacije, te da se Odluka o izboru najpovoljnijeg ponuđača br.39/21 od 04.01.2022. godine stavlja van snage i zamjeni novom odlukom u skladu sa članom 100. Stav (3) Zakona o javnim nabavkama BiH

Pouka o pravnom lijeku:

Protiv ove Odluke može se izjaviti žalba ugovornom organu - Javnom preduzeću “RAD” d.d. Tešanj, u skladu sa članovima 97. i 101. Zakona o javnim nabavkama.

Žalba se izjavljuje Uredu za razmatranje žalbi, putem ugovornog organa, u pisanoj formi direktno, elektronskim putem ili preporučenom poštanskom pošiljkom.

Žalba se podnosi u dovoljnom broju primjeraka, a koji ne može biti manji od 3 (tri).

Dostaviti:

- Svim ponuđačima
- Komisija za javne nabavke
- a/a



DIREKTOR:


MA Hasan Handžić, dipl. ing. saob.